



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/06-34-157/20
Sarajevo, 27.1.2020. godina

SVIM OSNOVNIM ŠKOLAMA
SVIM SREDNJIM ŠKOLAMA

n/r direktora/ica

PREDMET: Instrukcija o postupanju u izvođenju online nastave – dostavlja se

Poštovani,

potreba za uvođenjem prakse „Online nastava“, javlja se iz razloga pohađanja nastave učenika kao pojedinca, grupe ili svih učenika u slučajevima opravdane spriječenosti prisustvovanja redovnoj kabinetskoj nastavi. Cilj je da se ovom nastavnom metodom koja nema ni prostorno ni vremensko ograničenje, svakom učeniku omogući nesmetan pristup nastavi i nastavnom procesu. Svrha realizacije ogleda se u njenoj adekvatnoj i kvalitetnoj zamjeni za redovnu kabinetsku nastavu te kao takva, kada budu ispunjeni svi tehnički preduslovi, bude prihvaćeno kao opća praksa u realizaciji nastavnog procesa.

Škola može realizirati praksu online nastave u dva slučaja i to:

1. Zakonom predviđene situacije;
2. Uvođenje i korištenje prakse „Online nastava“.

1. Zakonom predviđene situacije u skladu sa članovima:

Član 33. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17 i 30/19)

(10) „Odgojno-obrazovni rad izuzetno može trajati i kraće od vremena propisanog stavovima (4) i (5) ovog člana i može se prekidati u toku polugodišta, odnosno školske godine, u slučaju proglašenja prirodne katastrofe, elementarne nepogode, stanja neposredne ugroženosti i ratnog stanja, o čemu na prijedlog ministra odluku donosi Vlada, kao i odluku o pomjeranju početka nastave u prvom i drugom polugodištu i produžetak zimskog odmora, zavisno od klimatskih ili drugih uvjeta, s tim da u toku školske godine bude ostvaren godišnji fond nastavnih sati.“

Član 44. Zakona o srednjem obrazovanju („Službene novine Kantona Sarajevo“ broj: 23/17 i 30/19)

(1) „Nastava u srednjoj školi se može prekidati u toku jednog polugodišta, izuzev u slučaju elementarnih nepogoda, epidemija i drugih naročitih opravdanih razloga, uz saglasnost ministra.“



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića



(2) „Na prijedlog ministra Vlada može odobriti, zavisno od klimatskih ili drugih uvjeta, pomjeranje početka nastave u prvom i drugom polugodištu i produžetak zimskog odmora, s tim da se u toku školske godine ostvari godišnji fond nastavnih časova predviđen nastavnim planom i programom i da svi programski sadržaji budu realizirani.“

U slučajevima koji su navedeni u citiranim odredbama zakona, Ministarstvo putem javnih glasila (web stranice, TV, radio..) obavještava škole i učenike, kao i širu javnost, o prekidu nastave. U tom slučaju, ukoliko je moguće, može se organizovati online nastava prema procedurama koje na početku školske godine treba pripremiti i usvojiti nastavničko vijeće škole.

2. Uvođenje i korištenje prakse „Online nastave“:

Škole, pored slučajeva navedenih u tački 1., mogu u odgojno-obrazovnom radu koristiti praksu online nastave najviše dva dana u jednom polugodištu, počevši od drugog polugodišta školske 2019/2020. godine, a u skladu sa slijedećom instrukcijom:

- Škola je dužna da u Godišnjem programu rada planira dane kada će se realizirati online nastava.
- Škole su dužne obavijestiti ministarstvo o realizaciji online nastave najkasnije sedam dana prije održavanja iste.
- U januar 2020. godine, za realizaciju ovog vida prakse/nastave potrebno je izvršiti pripremu za izvođenje iste (odabrati platformu za online učenje, kreirati službene e-maileve za nastavnike i učenike, omogućiti edukaciju nastavnika).
- Časovi se realizuju u realnom vremenu u virtualnoj učionici, a u skladu sa rasporedom časova i predviđenim terminima sa kojima moraju biti upoznati svi učesnici procesa sedam dana prije održavanja istog.
- Škola odabranu platformu za online učenje može/treba koristiti svakodnevno u nastavnom procesu.
- Srednje škole mogu za praksu online nastave koristiti već postojeće metode korištene za realizaciju online sedmice.

U prilogu dostavljamo Uputstvo za realizaciju prakse „Online nastava“ za osnovne i srednje škole na području Kantona Sarajevo u kojem je detaljno opisan proces i način realizacije iste.

S poštovanjem,



MINISTRICA

ME Zineta Bogunić

Dostaviti:

- Naslovu
- a/a



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1

